

## NALUNAARUTIT - Grønlandsk Lovsamling Serie C-II

---

14 NOV. 2014

### ISUMAQATIGIISST

Naalakkersuisut, Finansministeriap aamma Sulinermik Inuus-  
sutissarsiuteqartut Kattuffiata akornanni sulisartut suliamik ilin-  
niagallit ilinniagaqanngitsullu Qaammamusiallit pillugit isu-  
maqatigiissut.

---

### IMAASA NALUNAARSORSIMAFFIAT

	<u>Qupp.</u>
§ 1 Isumaqatigiissummi pineqartut. ....	3
§ 2 Suliffiup sivisussusia. ....	4
§ 3 Piffissap ilaannaani sulineq. ....	4
§ 4 Akissarsiat. ....	5
§ 5 Soraarnerussutisiassanut akiliutissat taakkulu akilerneqartarneri. ....	6
§ 6 Ukiut suliffiit malillugit akissarsiat qaffakkiartortarneri.	7
§ 7 Atorfimmi qutsinnerusumi kingoraartaneq. ....	8
§ 8 Qaangiuttoornerit aamma qaangiuttoornernut taarsiullugu sulinnigiffeqarnerit. ....	9
§ 9 Suliartoqquneqaratarsinnaanermut tapisiat. ....	10
§ 10 Persaqqusersorneqarnermut akiliutit. ....	10
§ 11 Atorfimmut imiikut ittumut tapit. ....	11
§ 12 Suleqatigiikkuutaanik aqutsinnermi tapisiat. ....	11
§ 13 Suliamut aalajagersimasumut tapeq. ....	11
§ 14 Ataasiakkaanut tapinut immikkoortitat. ....	12
§ 14 A Sannateqarnermut, ilinniagqinnermut il.il. tapisiat. ...	12
§ 15 Sulisartunut, suliamik ilinniagaqanngitsunut immikkut tapisiat. ....	13
§ 16 Pikkorissutsimut tapisiat. ....	13
§ 17 Ingiallortaalluni angalaneq. ....	14
§ 19 Asiarnerit aalajangersimasumillu sammisassaqluni angalaarnerit. ....	16
§ 20 Innarluutilinnik sullitaqarnermut tapisiat. ....	18
§ 21 Stationeqarfinni avinngarusimasuni sulisut. ....	18
§ 22 Sulinermut atatillugu angalanerni saniatigut anigaasartuutaasartut, tassunga ilanngullugit ullormusiat, unnuinermusiat (akunnittarfimmiinnermut atugassat) atortussarsiutillu. ....	19
§ 23 Anigaasarsiat anigaasarsiallu ilaasa allanngorartut il.il.	

Immikkoortoq Q.  
(sulisartut suliamik ilinniagallit  
ilinniagaqanngitsullu Qaammammusiallit  
SIK)

tunniunneqartarnerat. ....	19
§ 24 Ineqarneq. ....	20
§ 25 Atorfininnermut atatillugu akiliunneqarluni angalaneq. ...	21
§ 26 Assuarlersinnaatitaaneq. ....	22
§ 27 Sulingiffeqarneq sulingiffeqarnerisiutillu. ....	22
§ 28 Napparsimaneq. ....	23
§ 29 Naartuneq, ernineq qitornavissiararnerlu. ....	24
§ 30 Meeqqap napparsimanerani ullormi siullermi sulingiffeqarsinnaatitaaneq. ....	25
§ 31 Meeqqap napparsimanerani sulingiffeqarnerit allat. ....	25
§ 32 Sulingiffeqarnerit immikkut ittut allat. ....	26
§ 33 Sulingiffeqartarnerit. ....	27
§ 34 Qinikkatut pisortanillu toqqakkatut suliassaqartitaanerit.	27
§ 35 Toqukkut qimagaanersiutit. ....	28
§ 36 Soraarniuteqarneq/Soraarsitsineq. ....	28
§ 37 Isumaqatigiinngissutit kinaassusersiortumillu soraarsitsinerit. ....	29
§ 38 Akissarsiat katiternerit. ....	30
§ 39 Ikaarsaarnermi malittarisassat. ....	30
§ 40 Piffissaq isumaqatigiissutip atuuffia. ....	31

§ 1

Isumaqatigiissummi pineqartut.

Isumaqatigiissummi uani pineqarput sulisartut Kalaallit Nunaanni Namminersorlutik Oqartussani, Tele Greenland A/S-mi, A/S Inissiatileqatigiiffik INI-mi aammalu kommuneni naalagaaffimmilu suliffillit qaammammusiaqartillugit atorfinitsinneqartut, isumaqatigiisutinullu allanut attuumassuteqanngitsut.

Imm. 2. Tjenestemand-it imaluunniit naalagaaffimmit, Namminersorlutik Oqartussanit kommunenillu soraarninngorsimasut aammalu suliffeqarfinni immikkut pisussaaffiligaasuni ittit isumaqatigiissummi uani ilaatinneqanngillat.

Imm. 3. Sulisoq ilinniagalik aammalu tunngaviumik ilinniagalik isumaqatigiisuteqarfigalugu isumaqatigiisut manna malillugu atorfinitsinneqarsinnaavoq. Illuatungeriit tamatuma kingornatigut tamanna pillugu ilisimatinneqassapput.

Imm. 4. Sulisut aalisakkerisuunertut, biologassistantitut, pitsaasutsimut teknikeritut laborantitulluunniit ilinniarnerninnut uppernarsaatillit isumaqatigiisut manna naapertorlugu sulisutut ilinniagalittut aningaasarsiaqartillugit atorfinitsinneqarsinnaapput.

Imm. 5. Sulisoq suliamik ilinniagaqanngitsoq suliffeqarfimmi ataatsimi ingerlaannartumik ukiut 2 sulereersoq isumaqatigiisut manna malillugu atorfinitsinneqarsinnaavoq. Sulisoq suliamik ilinniagaqanngitsoq nal.akunnermusialik isumaqatigiisut manna malillugu atorfinitsinneqarpat akissaasorsorneqassaaq akissarsiat nikeriarfiit tullianut inississinnaangorlugu nal.akunnerumsiaalittut tapit ilanngullugit akissaasorsorneqarneranut naleqqussaannerup pisariaqartissappangu, illuatungeriit tamanna pillugu nalunaarfigineqassapput. Taamaattorli nal.akunnermusiallit ilinniagaqanngitsut ulloq unnuarlu inissiisarfinni siumoortumik pigaartuusarnissanik ilisimatitsireerluni suliaqartut una isumaqatigiisut naapertorlugu atorfinitsinneqarsinnaapput.

**§ 2**

**Suliffiup sivilissusia.**

Nalinginnaasumik piffissaq suliffissaq sapaatit akunnerannut nal.akunnerinik 40-nik sivilissuseqarpoq, agguaqatigiissillugu qaammammut nal.akunnerinut 173 1/3-inut naapertuuttumik.

Imm. 2. Ullormut piffissap suliffiup iluani sulinngitsoornerit akissarsianit ilanngaatineqassapput sulinngitsoornermi akissarsiassaraluit amerlaqataannik. Nal. akunnera sulinngitsoorfik nalilerneqartassaaq atorfillip nal. akunnermusiarisartagaatut annertutigisunik, nal. akunneranut tapiujunnartut ilanngullugit. Nal. akunnerata affaa tikillugu sulinngitsoorneq nal. akunnerata affaatut naatsorsorneqartassaaq.

Imm. 3. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taamaatorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiusussaq eqqortinneqanngitsutut isigineqarsinnaanngilaq.

Imm. 4. Sulisorli siniffissaqartinneqarpat nal. 22.00-ip nal. 08.00-llu akornanni piffissaq angalaffiusoq piffissatut suliffittut naatsorsuunneqassanngilaq.

**§ 3**

**Piffissap ilaannaani sulineq.**

Sulisartut qaammammusiallit piffissap ilaannaa sulisussatut sulisusarsiarineqartut qaammammut akissarsiaqartinneqassapput piffissamut qanoq sivilisutigisumik sulisarnertik naapertorlugu.

Imm. 2. Suliffiup sivilissusianik allanngortitsineq, tassungalu ilaalluni piffissap ilaannaa sulisup sulileqqaarnerani isumaqatigiis-sutigineqartumut naleqqiullugu sivitsuigallarneq, taamaallaat ulluni 3-nik sioqqutsisumik ilisimatitsinikkut pisinnaavoq. Taamatut ilisimatitsisoqanngippat nal. akunnerisa suliffiorpiartut saniatigut nal. akunneranik 1-inik pissarsisitsisoqassaaq. Piffissamik suliffissamik allanngortitsisoqassatillugu inuit ataasiakkaat piffissap allanngortinneqartup nalaani sulinnginnissaminnik kissaataat ataqqineqartassapput.

**§ 4**  
**Akissarsiat.**

Sulisartut suliamik ilinniagallit imaattunik qaammammusiaqartinneqassapput:

Skala	trin	ukiut suliff.	01.04.14	01.04.15	01.04.16	01.04.17
26	1	1.-2.	19.281,66	19.464,69	19.731,62	19.972,62
27	2	3.-4.	19.511,80	19.694,83	19.961,76	20.202,76
28	3	5.-6.	19.760,29	19.943,32	20.210,25	20.451,25
29	4	7.-8.	20.015,57	20.198,61	20.465,53	20.706,53
30	5	9.amerlanerillu	20.278,04	20.461,07	20.728,00	20.969,00

Imm. 2. Tunngaviusumik ilinniagallit imaattunik qaammammusiaqartinneqassapput:

Skala	trin	ukiut suliff.	01.04.14	01.04.15	01.04.16	01.04.17
17	1	1.-2.	17.537,09	17.720,13	17.987,06	18.228,06
18	2	3.-4.	17.726,66	17.909,70	18.176,63	18.417,62
19	3	5.-6.	17.852,56	18.035,59	18.302,52	18.543,52
20	4	7.-8.	18.029,41	18.212,45	18.479,37	18.720,37
21	5	9.amerlanerillu	18.211,99	18.395,03	18.661,96	18.902,95

Immikkoortoq Q.  
(sulisartut suliamik ilinniagallit  
ilinniagaqanngitsullu Qaammammusiallit  
SIK)

Imm. 3. Sulisartut suliamik ilinniagaqanngitsut imaattunik qaammammusiaqartinneqassapput:

ukiut						
Skala	trin	suliff.	01.04.14	01.04.15	01.04.16	01.04.17
7	1	1.-2.	15.992,19	16.175,23	16.442,16	16.683,16
8	2	3.-4.	16.136,43	16.319,47	16.586,40	16.827,40
9	3	5.-6.	16.284,75	16.467,79	16.734,71	16.975,71
10	4	7.-8.	16.437,43	16.620,47	16.887,40	17.128,40
11	5	9.amerlanerillu	16.548,09	16.731,13	16.998,05	17.239,05

Imm. 4. Mittarfegarfiit aallariartortarfiini sulisut imaattunik qaammammusiaqartinneqassapput:

ukiut						
Skala	trin	suliff.	01.04.14	01.04.15	01.04.16	01.04.17
22	1	1.-2.	18.411,66	18.594,69	18.861,62	19.102,62
23	2	3.-5.	18.617,24	18.800,28	19.067,20	19.308,20
24	3	6.-8.	18.828,65	19.011,69	19.278,61	19.519,61
25	4	9.-12.	19.051,90	19.234,94	19.501,87	19.742,86
26	5	13-15.	19.281,66	19.464,69	19.731,62	19.972,62
27	6	16.amerlanerillu	19.511,80	19.694,83	19.961,76	20.202,76

Stk. 5. Mittarfegarfiit aallariartortarfiini sulisut tiimimut tapeqartinneqassapput 9,00 kr.

§ 5

**Soraarnerussutisiassanut akiliutissat  
taakkulu akilerneqartarneri.**

Isumaqatigiissut malillugu sulisup 20-nik ukioqalereersimasumut soraarnerussutisiaqalernissaanut isumaqatigiissummi matumani akissarsiat paragrafini tunngaviusumik akissarsiat taaneqartut 10,20%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpoq sulitsisumullu pingajorarterutaa marluk pigitinneqarlutik. Soraarnerussutisiaqartitsisoqartassaaq soraarnerussutisiaqalernissamut aqqissuussinermi malittarisassaani aalajangersakkat naapertorlugit.

Imm. 2. Sulisoq atorfeqarnini tunngavigalu soraarnerussutisiassanut akiliutit imm. 1-imi taaneqartut avataasigut sulinini pissutigalugu sulisitsisuminit soraarnerussutisiaqartinneqarnaniluunniit ikiuutisiaqartinneqassanngilaq.

§ 6

Ukiut suliffiit malillugit  
akissarsiat qaffakkiartortarneri.

Suliamik ilinniagallinnut akissarsiat qaffakkiartortarneri pineqartut ilinniagarisimasani naapertorlugu ukiut suliffigisimasai malillugit naatsorsorneqartassapput.

Imm. 2. Suliamik ilinniagalinnut ukiut suliffiit malillugit akissarsiat qaffakkiartortarnerisa naatsorsorneqarneranni siusinnerpaatut aallaaviusassaag qaammatip ilinniakkamik naammassinniffiup naanera.

Imm. 3. Suliamik ilinniagallit, tunngaviusumik ilinniagallit aamma ilinniagaqanngitsut isumaqatigiissut manna naapertorlugu atorfinitsinneqartut ukiut suliffiit malillugit akissarsiat qaffakkiartornitik piginnassavaat.

Imm. 4. Sulisorisat imm. 3-mi taaneqartut inissinneqassapput sulisartut ilinniagallit suliamillu ilinniagaqanngitsut nalunaquttap akunnermusiallit pillugit isumaqatigiissut naapertorlugu skalat tulleriinnilersorneri malillugit akissarsianut, qaammammusiat sinnerlugit qaammammusianut qaninnerpaamut (nal.akunnermusiaq tapisiat aalajangersimasut ilanngullugit x 173,33 tiimit).

Imm. 5. Sapaatit akunnerannut agguaqatigiissillugu nal.akunneri 15-nit sinnerlugit suliffiuppata tamakkiisumik akissarsiat qaffakkiartortarnerinik pissarsisoqassaag. Sapaatit akunnerannut agguaqatigiissillugu nal.akunneri 15-init ikinnerit suliffiuppata akissarsiat qaffakkiartortarnerannik piffissamut suliffimmut naapertuutunik pissarsisoqassaag.

Imm. 6. Ukiut suliffiit malillugit akissarsiat qaffakkiartortarnerisa naatsorsorneqarneranni qaammatinut ilivitsunngortinneqartassapput, ilanngunneqassanngillalli ulluni 15-ni annikinnerusuniluunnit suliffigisimasat.

Imm. 7. Isumaqatigiissut una naapertorlugu sulisut Kalaallit Nunaanni pisortat suliffeqarfiutaanniit imaluunniit Namminersorlutik Oqartussat suliffeqarfiutaanniit toqqaannartumik Kalaallit Nunaanni pisortat suliffeqarfiutaannut imaluunniit Namminersorlutik Oqartussat suliffeqarfiutaannut allamut nuuttut suliaminnillu allanngortitsinatik ingerlatsiinnartut ukiut suliffiit malillugit akissarsiat qaffakkiartortarnissaattut katersarerikkatik attatiinnassavaat.

Imm. 8. Malittarisassanit siuliani taaneqartunit qaffasinnerusumik inissiisoqarsinnaavoq immikkorluinnaq pissutissaqartillugu.

## § 7

### Atorfirmi qutsinnerusumi kingoraartaneq.

Sulisoq § 4 naapertorlugu akissarsiaqartoq, qinnuigineqarnermigullu qaffasinnerusumi atorfirmi suligallartoq, pineqartup suliaasaanik suliaqalersimaguni aalajangersakkat kinguliini taaneqartut malillugit akissarsiaqarsinnaatitaavoq.

Imm. 2. Atorfirmi qaffasinnerusumi suligallarnermi akissarsiaqartussaaneq atuutilissaq sulisup atorfik taamaattoq ulluni malittuinnarni 15-ni tiggummereerpagu.

Imm. 3. Tamatumani akissarsiassat tassaassapput sulisup nammineq atorfirmi akissarsiai, tapisiaqarpat taakku ilanngullugit, aammalu qaffasinnerusumi atorfirmi atorfeqarsimasuuguni akissarsiassarigaluisa nikingassutaat.



§ 8

**Qaangiuttoornerit aamma qaangiuttoornernut  
taarsiullugu sulinngiffeqarnerit.**

Qaangiuttoorneq sapinngisamik pinngitsoorniarneqartassaaq. Peqquneqarluni nakkutigineqartumillu atorfeqarfimmi piffissap nalinginnaasumik suliffiup avataatigut sulinerni nal. akunnermusiaq 50%-imik ilaneqassaaq. Nal. akunnermusiaq ukiumut akissarsiassap 1/2080-iatut naatsorsorneqassaaq, tak. § 4.

Imm. 2. Qaangiuttoornerit sulisup sulisitsisullu isumaqatigiinnerisigut sulinngiffeqaataasinnaapput. Qaangiuttoorneriassiassaagaluanut taarsiullugu sulinngiffeqarnermi qaangiuttoornermi akissarsiassat 50%-imik ilallugit qaangiuttoorneriassiassaagaluanut naapertuuttunik sulinngiffeqaataassapput. Sulinngiffeqarnissamut katersukkat nal. akunnerata qaangiuttoorfigisap affaata aallartinneri tamaasa naatsorsorneqartassapput. Sulinngiffeqarnerup qaqugu pinissaa sulisup sulisitsisullu akornanni suliffik mianeralugu sulisullu kissaatigisai naapertorlugit aaqgissuunneqassaaq.

Imm. 3. Sulisut suliamik ilinniagallit nakkutigineqarsinnaanngitsumik nakkutigiuminaatsumilluunniit qaangiuttoortartut qaangiuttoorneriassanut persaqusersorneqaatisianullu taarsiullugu suliartoqquneqartarsinnaanermut tapisiaqartinneqarsinnaapput, taassumalu annertussusia isumaqatigiissuteqartut akornanni isumaqatigiinniareernikkut aalajangersarneqartassaaq.

Imm. 4. Sulisoq qaangiuttooqquneqassappat tamanna ullormi pineqartumi ullup suliffiup naanissaa nal. akunnerinik 5-inik sioqqullugu ilimasaarutigineqareersimassaaq.

Imm. 5. Ilisimatitsineqanngippat qaangiuttoornerlu nal. akunneri 2-t sinnerlugit sivilisussuseqarpat nal. akunnerisa qaangiuttoorfiit saniaatigut qaangiuttoornerisiffissat nal. akunneranik 1-imik ilaneqassapput.

Imm. 6. Ullormut suliffissap nalinginnaasup avataatigut qaangiuttoornerit sivikinnerpaamik nal. akunneri 4-aappata taakku suliffioreersut saniatigut qaangiuttoornersiamik nal. akunnerata 1-ip nalinganik ilaneqassapput.

Imm. 7. Suliffiup nalinginnaasup avataatigut sulisoq suliartoqqunegarpap minnerpaamik nal. akunneri 4-t tunniunneqassapput.

Imm. 8. Sulisunut ilinniagallinnut suliffiup nalinginnaasup avataatigut angerlarsimaffimmi piareersimaqqunegartunut, nal. akunneranut 20,00 kr. akiliutigineqassapput. Tamatuma saniatigut imm. 7 naapertorlugu akiliuteqartoqarsinnaanngilaq, angerlarsimaffimmi piareersimanermi qaqqunegarnermut atatillugu piffissaq suliffik kisimi akissarsissutaasinnaammat.

#### § 9

##### **Suliartoqqunegaratarsinnaanermut tapisiat.**

Atorfimmut sulisut nakkutigineqarsinnaanngitsumik imaluunniit nakkutigiuminaatsumik atorfiniffigisaannut qaangiuttoornersisitsinermut aamma persaqusersorneqarnermut akiliutinut taarsiullugu sukkulluunniit suliartoqqunegaratarsinnaanermut tapisiaqartitsisoqassaaq, angissusissaat illuatungeriit akornanni isumaqatigiinniarnikkut aalajangerneqartussanik. Atorfimmi suliassat allanngortinneqartillugit sukkulluunniit suliartoqqunegarsinnaanermut tapisiat isumaqatigiisutiginarneqagqissapput.

#### § 10

##### **Persaqusersorneqarnermut akiliutit.**

Avitamik sulinermut, piffissami nal. 17.00-imiit nal. 06.00-imut unnuarsiornermut, arfininngornikkut nal. 14.00-p kingornatigut sulinermut aamma sapaatini nalliuttunilu Kalaallit Nunaanni Namminersorlutik Oqartussani kommune-nilu tjenestemand-inut maleruagassat atuuttut mallillugu tapisiaqartitsisoqassaaq, taakkulu immikkut takussutissiami takunegarsinnaapput. Qaangiuttoornerli pineqarpap taamaallaat § 8 naapertorlugu qaangiuttoornersiuteqartitsisoqarsinnaavoq.

Imm. 2. Ullunut sulinngiffeqarfiusussaagaluanut annaasanut tapisiat qaangiuttoornerasiatut akiliutigineqassapput, ikinnerpaamilli naluna-aquttap akunnerinut arfinilinnut, Kalaallit Nunaanni Namminersorlutik Oqartussani kommunenilu tjestemandinut maleruagassat malillugit, taakkulu immikkut takussutissiami takuneqarsinnaapput.

**§ 11**

**Atorfimmut imiikut ittumut tapit.**

§ 4-mi akissarsiat taaneqartut nalinginaasumik piumasaqaatitarisaanut il.il. ilaanngitsunik suliatigut, allaffissornikkut, pisinnaasariaqartutigut allatigulluunniit imikkut inissisimasunik atorfinitsistsisoqartillugu, akissarsianut tapit atugassarititaajunnartullu allat pillugit isumaqatigiissuteqartut akornanni immikkut isumaqatigiissuteqartoqassaaq.

**§ 12**

**Suleqatigiikkuutaanik aqutsinermi tapisiat.**

Sulisartunut suleqatigiikkuutaanik aqutsisunut tapisiaqartitsinegassaaq qaammammut 433,00 kr.-inik.

**§ 13**

**Suliamut aalajagersimasumut tapeq.**

Nunatsinni Peqqinnissaqarfiup ataani isumaqatigiissut manna atuuttoq najoqqutaralugu atorfeqartumut tapeqaataasinnaavoq Qarasaasiatigut Napparsimasut Allattorsimaffianut immikkut ilisimasalittut atuisuutilluni qaammammut 1000,00 kr.-inik.

Imm. 2. Nunatsinni Peqqinnissaqarfiup ataani isumaqatigiissut manna atuuttoq najoqqutaralugu atorfeqartumut, tarrarsuisinnaanermut ilinniartinneqarsimasut/kursus-sersimasut, iluarsiiissutitaqanngitsumik aam-malu soraarnerussutisiassateqaataasussaannngitsunik qaammaammut 350,00 kr.-inik tapisiaqartitsisoqarsinnaavoq.

§ 14

Ataasiakkaanut tapinut immikkoortitat.

Sulisut 1. april 20114-mi ataasiakkaanut tapisi­allit nammineq tapisi-  
atut sulionnaarnissap tungaanut tapisiariinnassavaat.

§ 14 A

Sannateqarnermut, ilinniaqqinnermut il.il. tapisiat.

Sulisut suliamik ilinniagallit, nammineerlutik sannatisisaria-  
qartartut taakkuninngalu aserfallatsaaliisariaqartut qaammammut  
208,00 kr.-inik tapisiaqartinneqassapput.

Imm. 2. Pilersuiffiup naqiteriviani sulisartunut ilinniagalinnut  
qaammammut 2.500,00 kr.-inik tapisiaqartitsisoqassaaq.

Imm. 3. Sulisartunut ilinniagalinnut pikkorissartitaaqqinnermik  
naammassisalinnut qaammammut 347,00 kr.-inik tapisiaqartitsiso-  
qassaaq. Pikkorissartitsineq sivikinnerpaamik sap.akunnerinik 4-nik  
sivisussuseqarpat, tapisiat qaammammut 520,00 kr.-inut qaf-  
fanneqassapput.

Imm. 4. Sulisunut biologassistentitut, aalisakkerisuunertut ima-  
luunniit pitsaassutsinut teknikeritut ukiuni 2-ni Aalisakkanik Tunis-  
assiornermik Ilinniarfimmi Maniitsumiittumi ilinniartitaanermik  
naammassinereersunut aammalu laborantitut ilinniarsimasut qaammammut  
1.100,00 kr.-inik tapisiaqartitsisoqassaaq.

Imm. 5. Biologassistent-inut suliamut atasumik imarsiorlutik aammalu  
asiarlutik angalaneranut, aalisartunik, piniartunik il.il., oqalut-  
taanermut time-nut atukkanut tapisiaqartitsisoqassaaq nal.akunneranut  
kr. 4,00-imik.

§ 15

**Sulisartunut, suliamik ilinniagaqanngitsunut  
immikkut tapisiat.**

Sulisartunut suliamik ilinniagaqanngitsunut, sivikinnerpaamik sap.akunnerini 4-ni immikkut sulianut pikkorissartitsinermik naammassinereersunut qaammammut 242,66 kr.-inik tapisiaqartitsisoqassaaq. Pikkorissartitsineq suliffimmi sungiusarnermik ilallugu sivikinnerpaamik sap.akunnerinik 20-nik sivilussuseqarpat qaammammut 381,33 kr.-inik tapisiaqartitsisoqassaaq.

§ 16

**Pikkorissutsimut tapisiat.**

Isumaqatigiissut manna tunngavigalugu atorfinitsinneqarsimasunut pikkorissutsimut tapisiaqartitsisoqarsinnaavoq qaammammut 500,00 kr.-inik. Pikkorissutsimut tapisiat inummut ataatsimut arlalinngorlugit tunniunneqarsinnaapput.

Imm. 2. Tapisiat sulisunut suliatigut pikkorissutsikkullu imaluunniit allatigut immikkut inississimasunut tunniunneqartassapput, taamatut inissisimaneq isumaqatigiissummi matumani nalinginnaasumik tunngavimusuni akissarsiatigut taaneqartunut il.il. ilaatinneqanngippat.

Imm. 3. Kommunit ataasiakkaat, Namminersorlutik Oqartussat suliffeqarfiisa immikkoortui ataasiakkaat, matumani suliffiit taakununga atasut ilanngullugit, kiisalu Namminersorlutik Oqartussat aktiaateqarluni ingerlatseqatigiiffiutai tapisiasanik aalajangersimasunik amerlassusilinnik agguaassassaminnik tunineqartassapput. Immikkoortorta qarfinnut ataasiakkaanut tapisiasat amerlassusissaat Aningaasaqarnermut Sulisoqarnermullu Aqutsisoqarfiup isumaqatigiinniarnermut immikkoortorta qarfiata nalunaarutigisassavai.

Imm. 4. Najukkami sulisitsisup najukkamilu tassani sulisut sinniisatta imaluunniit S.I.K.-p akornanni isumaqatigiinniareernikkut tapisiasat taakku kommunit suliffeqarfiillu ataasiakkaat iluanni agguataarneqartassapput.

Imm. 5. Tapisiat atorfimmut allamut nuunnermi peerneqartassapput.

Imm. 6. Pikkorissutsimut tapisiat inuttaaruttut isumaqatigiinni-  
utigeqqinneqareernerermikkut atorneqaqqissinnaalertassapput, tak. imm.  
4.

Imm. 7. Pikkorissutsimut tapisiat agguataarneqarnissaat isu-  
maqatigiissutigineqarsinnaanngippat apeqqut isumaqatigiissuteqartutut  
illuatungeriinnit aalajangiiffigineqartassaaq.

#### § 17

##### **Ingiallortaalluni angalaneq.**

Ingiallortaalluni angalanerit tassaapput sulisitsisup pisariaqar-  
titsinera tunngavigalugu sulisup meeqqanik, napparsimasunik innar-  
luutilinnilluunniit ilaqutariinnut, paaqqinnittarfimmut, nappar-  
simavimmut assigisaannulluunniit inissineqarnissaannut utertin-  
neqarnerannullu atatillugu paarsisuulluni angallassineri. Taama paar-  
sisuulluni angalanerit malillugit akissarsisitsisoqartassaaq:

Imm. 2. Piffissaq sulisup napparsimasumik akisussaaffeqarfia su-  
liffiorpiartutut isigineqassaaq nal. akunneri aallartittut tamaasa  
aallaavigalugit, tak. imm. 3.

Imm. 3. Ulloq unnuarlu piareersimanerimi malittarisassat makku atuup-  
put: Piareersimanerup nalaani nal. akunnerinut suliffiorpiangitsunut  
tamanut aammalu nal. akunnerinut 8-nut siullernut suliffiorpiartunut  
tamanut angerlarsimaffimmi piareersimanertulli piareersimaerit  
akissarsiffiussapput. Nal. akunneri 8-t sinnerlugit suliffiorpi-  
araangata nal. akunnerisa aallartinneri tamaasa qaangiuttoorner-  
sisitsisoqartassaaq imaluunniit sulinngiffeqartitsisoqartassalluni.  
Ulloq unnuarlu piareersimaneq suliffimmut § 2 malillugu aalajanger-  
sakkamut ulloq naallugu suliffittut ilanngunneqartassaaq.

Imm. 4. Imm. 2 naapertorlugu suliffiusumut atatillugu § 10 naapertorlugu tapisitsisoqartassaaq piffissap suliffissarititaasup iluanni pigaangat.

Imm. 5. Sulisoq suliffeqarfimmi nalinginnaasumik sulinerminit napparsimasumik ingiallortaanermut peqquneqarpat napparsimasumik ingiallortaalernera piffissamit sulisut allattorsimaffianni allassimasumit aallartittutut isigineqassaaq tamanna ingiallortaanerup aallartin-nerata siornatigut pippat.

Imm. 6. Ullut sulinngiffeqarfissatut pilersaarutigeriikkat ullormi aallarfirmi tikiffimmiluunniit pisut sulinngiffissatut annaasatut akilerneqassapput, taamatuttaarlu ullut sulinngiffeqarfissatut pilersaarutigineqartut ingialluinerup nalaani sulinngiffiunngitsoortut sulinngiffissatut annaasatut akilerneqassapput.

Imm. 7. Ingiallortaanermi ullormusiaqartitsisoqassaaq, tak. § 22.

§ 18

**Pigaartuuneq.**

Paaqinnartarfinni ulloq unnuarlu ammasuni nalinginnaasumik sulinerup avataani pigaartuuneq.

Paaqinnartarfinni ulloq unnuarlu ammasuni sulisut suliat aaqisuunerini pigaartussanngorsinnaaqqut;

- I) Angerlarsimaffimmit pigaartuuneq - aningaasarsiaqassooq imak; nalinginnaasumik akunneranuut aningaasarsiarititap affarissava.
- II) Ineeqqamiit (paaqinnittarfirmi) pigaartuuneq - aningaasarsiaqassooq imak; nalinginnaasumik akunneranuut aningaasarsiarititaq.

Pigaartuunerup nalaani qaaquneqarnermi qaangiuttoorner-sisititsisoqassaaq.

§ 19

**Asiarnerit aalajangersimasumillu  
sammisassaqarluni angalaarnerit.**

Paaqinnartarfinni ulloq unnuarlu ammasuni Sulisut asiarnernut, tupersimaarnernut assigisaannullu aamma aalajangersimasumik sammisaqarluni angalaarnernut ilaasinnaapput. Asiarnerit, tupersimaarnerit assigisaallu suliffeqarfik ikinnerpaamik ullut unnuallu 2-t qimallugu allaarsimaarnertut paasineqassapput, suliffeqarfik qimallugu aallarnermiit aallaarsimaaqataasut suliffeqarfimmut tikeqqinnerannut piffissaq naatsorsorneqartassalluni.

Imm. 2. Aalajangersimasumik sammisaqarluni angalanerit imatut paasineqassapput immikkut perorsaaneramik siunertaqarluni suliffeqarfiup qimakkallarnerqarneranik, assersuutigalugu aalisariarluni piniariarlunilu, qimusserluni il.il. sivikinnerpaamik ulluni unnuanilu 2-ni angalanerusut, suliffeqarfiup qimanneqarneraniit aalajangersimasumik sammisaqarlutik angalanermit peqataasut suliffeqarfimmut tikeqqinnerannut naatsorsuunneqartussat.

Imm. 3. Immikkoortuni 4-miit 10-mut maleruagassat taaneqartut suliamik ilinniagaqanngitsunut aallaarsimaarnernut, tupersimaarnernut assigisaannullu aamma aalajangersimasumik sammisaqarluni angalanernut peqataasunut atuupput.

Imm. 4. Maleruagassani pineqarput suliamik ilinniagaqanngitsut tamarmik suliffeqarfimmi sulisooreersut aamma suliamik ilinniagaqanngitsut aallaarsimaarnermut imaluunniit aalajangersimasumik sammisaqarluni angalaarnermut peqataanissaat immikkut siunertaralugu sulisitaasut.

Imm. 5. Nalinginnaasumik suliffissap iluani piffissap suliffiup naatsorsuusiornegarnerani ullut aallaarsimaarfiit/aalajangersimasumik sammisaqarfiit ullormut nal. akunnerinik 11-nik naatsorsorneqartassapput.



Imm. 6. Ullut sulinngiffeqarfissat suliffigineqartulli taartisisutigitinneqartassapput, sapinggisamik taarsiullugu sulinngiffeqartitsinertut. Sap. akunneranut aamma nalliuttunut ulloq sulinngiffeqarfissaq suliffigisariaqagaq ataaseq kisiat taartisissutigitinneqartassaaq. Ullut sulinngiffeqarfissat suliffigisariaqakkat aningaasarsiffiuppata taakku ullormut sulinngiffeqarfimmut nal. akunnerini 40-ni nal. akunnerinik 8-nik akilerneqassapput aamma ullormut sulinngiffeqarfiusumut nal. akunnerini 64-ini nal. akunnerinik 16-inik akilerneqassallutik.

Imm. 7. Piffissaq suliffiususaaq pillugu maleruagassat allat soorlu qaangiuttoornermut, suliartoqquneqaratarsinnaanermut, arfininngornikkut nal. 14.00 kingornatigut sulinermut, sapaatini nalliuttunilu sulinermut aamma suliamut atatillugu angalanerit nalaanni piffissap suliffiup naatsorsorneri atorunnaarsinneqarput.

Imm. 8. Aallaarsimaarnernut, tupersimaarnernut assigisaannullu peqataanermut akiliutit 1. april 1991-imiit ulluinnarni 186,00 kr.-inik toqqammaveqarput, arfininngornerni aammalu sapaatini nalliuttunilu 271,00 kr.-inik toqqammaveqarlutik. Tapit tunniunneqartut immikkut tapitut, Kalaallit Nunaanni Nalakkersuisut Atorfillit Kattuffiatalu akornanni isumaqatigiissut naapertorlugit iluarsartuussivigeqqitaapput.

Imm. 9. Aalajangersimasumik sammisaqarluni angalaarnernut peqataanermut akiliutit 1. april 1991-imiit ulluinnarni 400,00 kr.-inik toqqammaveqarput, arfininngornerni aamma sapaatini nalliuttunilu 600,00 kr.-inik toqqammaveqarlutik. Tapit tunniunneqartut immikkut tapitut, Kalaallit Nunaanni Nalakkersuisut Atorfillit Kattuffiatalu akornanni isumaqatigiissut naapertorlugit iluarsartuussivigeqqitaapput.

Imm. 10. Aallarsimaarnerni aalajangersimasumillu sammisaqarluni angalanerni ullormusiaqartitsisoqartassaaq qaammammusiallit isumaqatigiissutaat § 22 naapertorlugu.

§ 20

**Innarluutilinnik sullitaqarnermut tapisiat.**

Sulisartunut ulloq unnuarlu paaqqinnittarfinni innarluutilinnik sullitaqarnermut atatillugu iluarsiiissutitaqanngitsumik tapisiaqartitsisoqassaaq qaammammut 350,93 kr-inik. Piffissap suliffiup ilaannaani sulisartunut tapisiat sulisut nalunaquttap akunnerinut suliffigisartagaanut naleqqiullugit ilanngarneqartassapput. Qaammatip naanerani innarluutilinnik ilaqarunnaarfigisaanni tapisiat ingerlaannartumik atorunnaarsinneqassapput.

Imm. 2. Imm. 1 naapertorlugu tapisiaqartitsisoqartassaaq inuk timimigut eqqarsartaatsimigullu annertuumik innarluutilik, isumaginninneq pillugu Inatsisartut peqqussutaat nr.7 3. november 1994-imeersoq naapertorlugu ikiorneqarnissaminut pisariaqartitsippat.

Imm. 3. Imm. 1 naapertorlugu tapisiaqartitsisoqartassaaq innarluuteqartup timimigut eqqarsartaatsimigut, oqalunniarnermigut aalaatsimigullu annertuumik amigaateqarnera paasineqarsinnaallunilu taamaalilluni innarluutilik kommune-p, DSA-lu akuersineratigut innarluutillip paarineqarneranut isumagineqarneranullu atatillugu immikkut suliniutinik aallartitsisariaqalerpat.

Imm. 4. Taamatuttaaq imm. 1 naapertorlugu tapisiaqartitsisoqassaaq innarluutillip pissusilersornera imatut ippat innarluutillip peqqissusiata toqqissisimanerisalu illersorneqarnissaat pisariaqartinneqarluni taamaalilluni tamanna pissutigalugu kommune-p akuersineratigut innarluutilik immikkut sissuernerqartariaqalerluni.

§ 21

**Stationeqarfinni avinngarusimasuni sulisut.**

Ikerasassuarmi Danmarkshavn-imilu stationeqarfinni sulinermut tapisiat pillugit kaajallaasitaq naapertorlugu tapisiaqarfissatut aalajangersaavigineqartuni sulisut Kalaallit Nunaanni stationeqarfinni avinngarusimasuni suliamik immikkut ilinniagallit pillugit ileqqoreqqusami aalajangersakkanit ukunannga pineqarput:

- a) tamanna pillugu kaajallaasitaq naapertorlugu stationimiinnermi tapisiaq
- b) atorfininnermi soraarnermilu akiliunneqarluni angalanerit
- c) sulinngiffeqarnermut atatillugu akiliunneqarluni angalaneg
- d) nerisaqarneq ineqarnerlu
- e) nakorsamit kigutilerisumillu isumagineqarneq
- f) immikkut pisussaaffiit (peqgissutsimik misissortinneq, pik-korissarnerit)

Imm. 2. Kangerlussuarmi Narsarsuarmilu sulisartut isumaqatigiissut 8. juni 1991-imeersoq naapertorlugu 31. marts 1995-imi maqaasinaveeqqutit qaammammut 700,00 kr.-inik tapisiaqareersut tapisiat taakku inummut namminermt aqqissuussinertut piginnassa-vaat atorfeqartitaanertik atuukkallartillugu.

#### § 22

**Sulinermt atatillugu angalanerini saniatigut aningaasartuutaa-sartut, tassunga ilanngullugit ullormusiat, unnuinermsiat (akun-nittarfimmiinnermt atugassat) atortussarsiutillu.**  
Sulisartut angerlarsimaffittut najukkamik avataannut suliaritorial-lartitaasut aningaasanik pissarsiasaqartinneqassapput malittarisas-sat tjenestemand-inut Namminersorlutik Oqartussani kommunenilu sulis-unut atuuttut naapertorlugit, taakkulu immikkut takussutissiami ta-kunegarsinnaapput.

#### § 23

**Aningaasarsiat aningaasarsiallu ilaasa allanngorartut il.il. tunniunneqartarnerat.**  
Aningaasarsiat tapisiallu qaammammut kingumoorumik akiliutigineqartassapput.

Imm. 2. Aningaasarsiat aningaasarsianut konto-mut sulisartup suliamik ilinniagallip aningaaserivimmi toqqagassaanut qaammatip naanerani ikineqartassapput.

Imm. 3. Tapisiat allanngorartut, soorlu unnuarsiornermut tapisiat, qaangiuttoornersiat il.il. anertussutsit aningaasanik akiliuteqarnerup nalaani atuuttut malillugit naatsorsorneqassapput. Piffissaq naatsorsuusiorfiusoq aammalu akiliuteqarfissaq suliffeqarfimmi aalajangiiffigineqartassaaq.

§ 24  
Ineqarneq.

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atuuttut naapertorlugit, imaluunniit
- b) inissaqartitsisoqanngitsaq, imaluunniit
- c) atorfimmuut atatillugu pisussaaffeqartoq suliffimmuut atatillugu inigisassaataasumik ineqarnissamut.

Imm. 2 Atorfinitsinneqartup inissiaq innersuunneqartoq najugariumanngippagu, inissiamik allamik innersuussisoqarsinnaangilaq.

Imm. 3. Imm. 1, a) naapertorlugu inissianut innersuunneqartunut ineqarnermut akiliuteqartoqartassaaq Kalaallit Nunaanni Namminersorlutik Oqartussat kommune-llu inissiaataanni ineqarnermut akiliuteqartarnermut malittarisassat qaqugumulluunniit atuuttut naapertorlugit. Inissiamik innersuunneqartumik sumiginnaasoqarpat anisitaanermik kinguneqartumik, inissiamik allamik innersuussisoqarsinnaangilaq.

Imm. 4. Atorfillit imm. 1, c) naapertorlugu atorfimmuut atatillugu inigisassaataasumik ineqarnermut akiliuteqartassapput maleruagassat tjenestemand-inut Namminersorlutik Oqartussani kommunenilu sulisunut qaqugukkulluunniit atuuttut naapertorlugit, taakkulu immikkut takussutissiami takuneqarsinnaapput.

§ 25

**Atorfininnermut atatillugu akiliunneqarluni angalaneq.**

Atorfininnermi Danmarkimi Kalaallit Nunaanniluunniit angerlarsimafiup suliffeqarfigisallu akornanni akiliunneqarluni angalatitsisoqassaaq inuttassarsiuussilluni allagarsiussaq naapertorlugu inissaqartitsisoqarpat imaluunniit atorfimmut atatillugu inigisas-saatitaasumik najugaqarnissaq pisussaaffiuppat, tak. § 24, imm. 1, a) aamma c).

Imm. 2. Akiliunneqarluni atorfininnermi angalanermut aamma ilaatinneqarput atorfeqartup aapparisa - katissimanngikkaluarluguluunniit inoogatigisaa - kiisalu meeqqat 18 inorlugit ukiullit. Taama ilaqutariit akiliunneqarlutik angalanerat sapingisamik ataatsimoorluni ingerlanniarneqartassaaq.

Imm. 3. Akiliunneqarluni atorfininnermi angalaneq inummumut namminer-muinnaq tunngatitaavoq allanullu tunniunneqarsinnaanani. Akiliunneqarluni angalasinnaatitaaneq atorneqanngitsoq taartisissutigineqarsinnaanngilaq.

Imm. 4. Atorfininnermi akiliunneqarluni angalasinnaatitaanermi aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmark-imi namminer-mi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni angallassissutit atorlugit akikinnerpaamik angallanneqarnermut aningaasartuutit uppersarsarneqarsinnaasut. Sutigut allatigut tamatigut matussuserneqartassapput Kastrup-ip mittarfiata allallu akornanni tamanut angallassissutit atorlugit angallanneqarnermut akikinnerpaamik angallanneqarnermut aningaasartuutit.

Imm. 6. København-imiinnermi aningaasartuutaajunnartut atorfeqartup nammineq akilissavai.

Imm. 7. Nunatsinni namminermi atorfininnermut atatillugu akiliunneqarluni angalanermi taamaallaat matussuserneqartassapput najugaqarfiup atorfeqarfissallu akornanni tamanut angallassissutit atorlugit akikinnerpaamik angalanermut aningaasartuutigisimasat uppersarneqarsinnaasut.

Imm. 8. Atorfininnermi pigisat assartorneqassapput malittarisassat tjenestemand-inut Namminersorlutik Oqartussani kommunenilu atorfilinut qaqugukkulluunniit atuuttut naapertorlugit, taakkulu immikkut takussutissiami takuneqarsinnaapput.

#### § 26

##### **Assuarlersinnaatitaaneq.**

Isumaqatigiissut una malillugu sulisut §-ini 9-imi 16-imilu tapisiat taaneqartut saniatigut allanik tapisiaqarsinnaanersut nalornissutigineqalerpat tamannalu pillugu sulisut sinniisaat aqgutigalugu saaffiginninneq naammaginatsumik aaqqinneqanngippat suliassaq aaqqiagiinnissutit suliarineqartarnissaannik tunngaviusumik isumaqatigiissummi aalajangersakkat naapertorlugit suliarineqarsinnaavoq.

#### § 27

##### **Sulinngiffeqarneq sulinngiffeqarnerstiutillu.**

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinngiffeqarsinnaatitaapput. Inatsisip § 2-at naapertorlugu aalajangersakkat ataani immikkut taaneqartut makku isumaqatigiissutigineqarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffeqarnerstiuteqarluni sulinngiffeqarneq akissarsiaqarluni sulinngiffeqarnermut taarsiullugu toqqarpassuk ullut sulinngiffeqarfiit amerlassusii naapertorlugit aningaasarsiat ilanngaaffigineqassapput. Sulinngiffeqarnerstiutit ukiumut aningaasarsiarisimasanut naatsorsorneqassapput.

Imm. 3. Soraarnermi aningaasarsiat 12 ½%-ii sulinngiffeqarner-siutissatut tunniunneqassapput.

Imm. 4. Sulinngiffeqarnerksiassanik pisassanik piumasagarneq suli-sitsisumut saqqummiunneqassaaq ukiup sulinngiffeqarfissap qaangiun-nerani kingusinnerpaamik qaammatit 3 kingorna. Taamaangippat aningaasat Sulinngiffeqarnermut Aningaasaateqarfimmut nakkassapput, tak. Sulinngiffeqarnermut Aningaasaateqarfik pillugu isumaqati-giissummut tapiliussa.

§ 28  
Napparsimaneq.

Sulisoq napparsimanini pissutigalugu sulisinnaanngippat, taassuma kinguneranik sulinnginneq inatsisunik unioqqutitsinani sulin-ninnertut isigineqassaaq, sulisoq sulinermini piaaraluni mianersuaal-liorujussuarluniluunniit napparsimalersimanngippat imaluunniit ator-fininnermi salloqittaalluni napparsimanini nipangiusimasimanngippagu.

Imm. 2. Sulisoq qaammatini tulleriiginnarni aqqaneq marlunni ka-tillugit ullut 120-ini napparsimanermini akissarsiaqarsimappat, qaam-matip naaneranut imatut siumut ilisimatitsererluni soraarsitsisoqar-sinnaavoq:

Suliffeqarfimmi ataatsimi;

- ukiuni 0 - 5 atorfeqareernermi: qaammat ataaseq
- ukiuni 6 - 8 atorfeqareernermi: qaammatit pingasut
- ukiuni 9 - sivisunerusumillu atorfeqareernermi: qaammatit sisamat.

Soraarsitsinerup atuutitinneqarnissaanut piumasagaataavoq ullut nap-parsimaffiit 120-it taakku naanerannut atatillugu soraarsi-tsisoqasssoq aammalu inuk pineqartoq suli napparsimatilluugu, kisan-nili atuutitinneqarsinnaaneranut apeqgutaanngilaq inuk pineqartoq so-raarsitsinissap nalunaarutigineqareernerata kingorna suliffimminut utersimappat.

Imm. 3. Kisiannili imm. 2-mi aalajangersagaq malillugu atorfeqarnermit soraarsitsisoqarsimappat, atorfinitisitseqqittoqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 4. Napparsimaneq nakorsap uppersarsaaneratigut uppersarsarneqarnissaa piumasarineqarsinnaavoq.

Imm. 5. Nakorsat uppersarsaataat imm. 4 malillugu piumasarineqartut sulisitsisumit akilerneqassapput.

§ 29

Naartuneq, ernineq qitornavissiartaarnerlu.

Qaamaammusiallit sulinngiffeqarsinnaatitaapput, naartunermi, ernereernerup kingorna qitornavissiartaarnermilu Inatsisartut inatsisaat qaqugumulluunnit atuuttoq naapertorlugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani piginnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinneqartussat imm. anaanaasup kisimi.
	Ataataq: sap.ak. 1-p kingorna	



§ 30

**Meeqqap napparsimanerani ullormi siullermi  
sulinngiffeqarsinnaatitaaneq.**

Atorfilik tamakkiisumik ilaannakuusumilluunniit akissarsiaminik  
annaasaqarani sulinngiffeqarsinnaatitaavoq meeqqap nukangasup nappar-  
simanerani ullormi siullermi.

Imm. 2. Sulinngiffeqarsinnaatitaanermi piumasagaataavoq:

- a) Ulloq tassaappat meeqqap napparsimaffia siulleg,
- b) meeqqap atugai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna ajornan-  
ngippat,
- d) meeraq angerlarsimappat.

Imm. 3. Ullut napparsimaffiit nalunaarsorsimaffiat taperneqassaaq  
ilisimatitsissummik meeqqap napparsimanerani ullormi siullermi peqan-  
nginnermik.

Imm. 4. Aaqqissuussineq atornerluinermi sulisunut ataasiakkaanut  
atortussaajunnaarsinneqarsinnaavoq.

§ 31

**Meeqqap napparsimanerani sulinngiffeqarnerit allat.**

Meeqqap 16 tikillugit ukiullip illoqarfimmi najukkami imaluunniit il-  
loqarfimmi allami unittariaqalernerani, angajoqqaap peqqinnis-  
saqarfiup akiligaanik illoqarfinnut allanut ingialluinerani, meeqqal-  
lu uninnganerata nalaani ullut 12 tikillugit akissarsiani nalingin-  
naasut piginnarlugit sulinngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu uneqataan-  
issaa ingiallortaanissaalu nakorsamit uppersararnegassaaq.

Imm. 3. Taamatuttaaq imm. 1, naapertorlugu sulinngiffeqartitsisoqarsinnaavoq meeqqap angerlasimaffimini innangatinneqarnissaa nakorsamit innersuunneqarpat/uppernarsarneqarpat.

Imm. 4. Immikkut illuinnartumik pissutissaqartillugu nakorsamillu uppernarsarneqarpat sulinngiffeqarneq sivitsorneqarsinnaavoq ullut 5 tikillugit.

§ 32

Sulinngiffeqarnerit immikkut ittut allat.

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfeqarsimaguni akiliunneqarluni angalasinnaatitaavoq sulinngiffeqarsinnaatitaallunilu ilaqtat qanigisat napparsimaruloortillugit aamma/imaluunniit ilisaanerit atatillugit akiliunneqarluni angalasarnerit sulinngiffeqartarnerillu pillugit malittarisassat qaqugumullunniit Kalaallit Nunaanni tjenestemand-inut atuuttut naapertorlugit, taakkulu immikkut takussutissiami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanissamik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat taamaattutullu naatsorsuussat, qitornat qatanngutillu, kisianni aappap ilaqtai taamaattutullu naatsorsuussat pinnagit.

§ 33

Sulinngiffeqartarnerit.

Qaammatisiutit naapertorlugit ulluni nalliuttuni atorfilik sulinn-  
giffeqarsinnaatitaavoq, ullutut nalliuttutut uku naatsorsuunneqassap-  
put:

- a) ilagiit Lutherikkut nalliuttui,
- b) juulliaraq,
- c) ukiutoqaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

§ 34

Qinikkatut pisortanillu toqqakkatut suliaaqaqtitaanerit.

Isumaqaatigiissut una naapertorlugu atorfillit qinikkatut pisortanillu  
suliaaqaqtitaanerit pillugit Namminersornerullutik Oqartussat qi-  
nikkatut pisortanillu toqqakkatut suliaqarneq pillugu nalunaarutaat  
nr. 5, 15. marts 1994-meersoq naapertorlugu sulinissaminnut  
sulinngiffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami na-  
linginnaasumik suliffiusussaagaluami ilinniagaqarsimasunut aamma  
ilinniagaqarsimanngitsunut isumaqaatigiissutit malillugit qaangiut-  
toornersiaqarfissaq sioqqullugu pisoq sumiginnaanertut isigineqas-  
sangilaq. Suliffimmiit qimagusimanissaq sapinngisamik sioqqutsillu-  
arluni sulisitsisumut nalunaarutigineqassaaq.

Imm. 3. Pisortanit suliaaqaqtitaaffinni allani SIK-p immikkoor-  
tortaqaarfiini siulersuisunut, SIK-p inuusuttaani siuliersuisunut  
aammaalu SIK-p siulersuisuunerinut ilaasortat, pisortat oqar-  
tussaasoqarfiinit piunaffigineqarneq tunngavigalugu ilaasortaaffigi-  
neqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuunerini ilaasortat, ataatsimeersuarnerni, nakkutilliisoqarfegarnerani peqataanermut atatillugu SIK-p siulersuisuunerinut aamma SIK-p Inuusuttaisa siulersuisuunerinut ilaasortat, aningaasarsiaqarlutik sulingiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortortaqaarfiini siulersuisut, SIK-p siulersuisuunerini aamma SIK-p Inuusuttaisa siulersuisuunerini ilaasortat, akissarsiaqaratik sulingiffeqarnissartik kissaatigippassuk tamanna akuerineqartariaqarpoq. Taamatut sulingiffeqartoqarsinnaavoq ukiut ataasiakkaarlugit.

#### § 35

##### Toqukkut qimagaanersiutit.

Sulisog atorfeqarnermi nalaani toqusimappat aappaanut katissimanngikaluarluguluunniit inooqatigissaanut qitornaanut 18 inorlugit ukiulinnut qimagaasunut toqusup pilersugarisimasaanut qimagaanersiutit ataani allassimasut naapertorlugit tunniunneqassapput:

Atorfeqar-

figisami	ukioq 1	sulisimappat.....:	Qaam. 1	akissarsiat
-	ukiut 2	.....:	Qaam. 2	akissarsiat
-	ukiut 3	amerlanernilu.....:	Qaam. 3	akissarsiat

#### § 36

##### Soraarniuteqarneq/Soraarsitsineq.

Atorfeqarnermi qaammatini pingasuni siullerni siumut nalunaaruteqarluni soraarsitsinermi uku atuupput: Sulisitsisoq sulisorlu ullunik arfineq pingasunik (ullunik suliffinnik tallimanik) siumut nalunaaruteqarlutik ullormut sumulluunniit soraarsitsinnaavoq soraarsinnaalunilu.

Imm. 2. Qaammatini pingasuni atorfeqareernermi sulisitsisup tungaani-  
it imatut siumut ilisimatitsererluni soraarsitsisogarsinnaavoq:

- Atorfininnerup kingorna qaammatini arfinilinni siullerni qaam-  
mammik ataatsimik ilisimatitsererluni qaammatip naaneranut
- Atorfininnerup kingorna qaammatti arfinillit kingorna qaammatinik  
pingasunik ilisimatitsererluni qaammatip naaneranut
- Taassuma kingorna ukiut atorfeqarnerit pingasukkaarlugit siumut  
ilisimatitsererluni soraarsitsisinnaanerit qaammammik ataatsimik  
ilaneqartassapput, kisiannili annerpaamik qaammatini arfinilinni.

Imm. 3. Qaammatini pingasuni atorfeqareernermi sulisoq siumut ilasi-  
matitsererluni soraarsinnaavoq:

- qaammat ataaseq qaammatip naaneranut.

Imm. 4. Sulisitsisup sulisullu soraarsitsinissamik soraarnissamillu  
siumut nalunaarutaat allaganngorlugu tunniunneqassaaq.

§ 37

**Isumaqatigiinngissutit kinaassusersiortumillu  
soraarsitsinerit.**

Isumaqatigiinngissutit suliarineqartassapput aaqqiagiinngissutit su-  
liarineqartarnissaannik tunngaviusumik isumaqatigiisummi aala-  
jangersakkat naapertorlugit.

Imm. 2. Inunnik ataasiakkaanik soraarsitsisinnaaneq atorneqaraangat  
tamanna kinaassusersiornermik tunngaveqartassanngilaq. Tamanna  
pillugu apeqqutit aaqqiagiinngissutit suliarineqartarnissaannik tunn-  
gaviusumik isumaqatigiisummi aalajangersakkat naapertorlugit sulia-  
rineqartassapput.

§ 38

**Akissarsiat katiternerit.**

Akissarsiat § 4-mi imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapiliussa q 1. april 2000 16,4789%-imik. Skala-mi akissarsiat iluarsiiissutitaqanngitsumik koru-uninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.14	ukiumut
169,31	2031,72
01.04.15	
183,04	2196,48
01.04.16	
266,93	3203,16
01.04.17	
241,00	2892,00

§ 39

**Ikaarsaarnermi malittarisassat.**

Sulisut 31. marts 1995 killigalugu isumaqatigiissut 13. juli 1993-meersoq tunngavigalugu atorfeqartinneqartut, isumaqatigiissummi taaneqartumi § 23, imm. 1, "sulinngiffeqarnerit immikkut ittut allat"-mi malittarisassa q atuutiinnassa q.

§ 40

Piffissaq isumaqatigiissutip atuuffia.

Isumaqatigiissut una 1. april 2014 atuutilerpoq. Isumaqatigiissut il-  
luatungeriinnit tamanit qaammatinik 3-nik siumut ilimasaaruteqarnik-  
kut 31. marts-imut taamaattorli siusinnerpaamik marts-ip 31.-ani  
2018-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutaamik isu-  
maqatigiissuteqarfissap tungaanut akissarsiat marts-ip 31.-ani 2018  
atuuttut malillugit akissarsiaqartitsisoqassaaq.

Nuummi, ulloq 14 NOV. 2014

Sulinermik Inuussutissarsiuteqartut

Kattuffiat

  
Jess G. Berthelsen

Naalakkersuisut

n.s.

  
Frederik Møller

Finansministeriet

P.M.V.

e.b.

  
Eva Hoff Sonne

Taamalu isumaqatigiissut 21. marts 2013-meersoq atorunnaarpoq.